



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586 414, fax: 430-798

Broj: 03-36-121/20

Vogošća, 31.01.2020.godine

Na osnovu člana 71 i 128 Statuta Općine Vogošća (Službene novine Kantona Sarajevo", broj: 27/14 – prečišćeni tekst i 14/15) i na osnovu Pravilnika o izboru sportiste godine, Općinski načelnik raspisuje:

JAVNI POZIV za izbor sportiste godine Vogošće za 2019. godinu

Izbor sportiste godine je javan i vrši se na osnovu prijedloga organizacija, klubova i udruženja iz oblasti sporta, kao i sportskih radnika.

1. Pravo za prijavu imaju:

Za izbor sportiste godine Vogošće (u daljem tekstu sportista godine) može se kandidovati sportista koji je učestvovao na takmičenjima koja su organizovana na kantonalnom, federalnom i državnom nivou, kao i sportisti koji su učestvovali na međunarodnim takmičenjima koja su održana u Bosni i Hercegovini ili u inostranstvu.

Za izbor sportiste godine mogu se kandidovati i sportisti koji nisu ostvarili visoki plasman ili lični rezultat ali su svojim učešćem dostojno predstavljali matični klub ili učinili djelo kojim se podiže i učvršćuje međunarodni ugled države, kantona, općine i sporta.

Za izbor sportiste mogu konkurisati i sportisti porijeklom iz Vogošće ili koji imaju mjesto stalnog boravka na teritoriji općine Vogošća a igraju u klubovima koji nisu registrovani na području općine Vogošća.

2. Priznanja sportiste godine dodjeljuju se u sljedećim kategorijama:

- 1 Najbolji sportista Vogošće
- 2 Najbolja sportistkinja Vogošće
- 3 Najuspješniji senior Vogošće
- 4 Najuspješnija seniorka Vogošće
- 5 Sportska nada Vogošće – sportista kategorija loptaških sportova
- 6 Sportska nada Vogošće – sportista kategorija borilačkih sportova
- 7 Sportska nada Vogošće – sportista kategorija ostalih sportova
- 8 Sportska nada Vogošće – sportistkinja kategorija loptaških sportova
- 9 Sportska nada Vogošće – sportistkinja kategorija borilačkih sportova
- 10 Sportska nada Vogošće – sportistkinja kategorija ostalih sportova
- 11 Najuspješniji sportski kolektiv Vogošće – seniorski tim
- 12 Najuspješniji sportski kolektiv Vogošće – mlađe selekcije
- 13 Priznanje za invalidski sport (igrač, trener, sportski radnik ili kolektiv)
- 14 Najuspješniji sportski trener
- 15 Najuspješniji sportski radnik
- 16 Nagrada za životno djelo (za izuzetnu dugogodišnju aktivnost)
- 17 Priznanje za doprinos razvoju sporta
- 18 Nagrada za Fair-play (pojedinačno ili ekipno)

U kategorijama 1, 2, 3, 4, 11, 12, 13, 14, 15, 16 može se predlagati samo po jedan kandidat.

U kategorijama 5, 6, 7, 8, 9 i 10 može se predlagati više kandidata, s tim što se u svakoj od uzrasnih kategorija (U12 i mlađi, U14, U16, U18) može predložiti samo po jedan kandidat.

U kategorijama 17 i 18 može se predlagati više kandidata.

Ukoliko za određenu kategoriju ne bude prijavljenih kandidata odnosno ako ocjenjivački žiri procijeni da prijedlozi za pojedine kategorije nisu adekvatni, nagrade za sve kategorije ne moraju biti dodijeljene.

U prijedlogu za kandidata, predlagači obrazlažu prijedlog sa svim rezultatima koje je sportista ili ekipa postigla u prethodnoj godini, a prijedlog treba da sadrži i službeni dokaz o ostvarenom plasmanu kandidata (bilten sa takmičenja, žrijebna lista, kopija zapisnika sa predmetnog natjecanja).

Tehničku obradu podataka i proglašenje sportiste godine, vrši ocjenjivački žiri koji imenuje Općinski načelnik iz reda sportista, sportskih radnika, trenera, novinara i dr.

Za sve dodatne informacije možete se obratiti kontakt osobi Dragolj Emiru, telefon broj: 033/586-414 ili Općina Vogošća, kancelarija broj 71. III sprat.

Prijava sa dokumentacijom podnosi se Službi za privredu, integrisani lokalni razvoj i društvene djelatnosti Općine Vogošća, Jošanička broj 80.

Rok podnošenja prijava je do ponedjeljka 24. 02. 2020. godine.

Neblagovremene i nepotpune aplikacije se neće uzimati u razmatranje.

 OPĆINSKI NAČELNIK
Edin Smajić